

金山縣志

16419

地 210.29

34.1

1~4

乾隆十六年鑄

金山縣志

金山縣志序



金山古康城地也粵稽明代初置金山衛用備倭寇無事則屯有警則以守以戰其民生皆有田廬冢墓之戀與父兄宗族里黨之胥匡以生安土重遷居然沃野迨我

朝順治二年繼設金山營及我

世宗憲皇帝建立縣治舉婁邑西南之土

金山縣志

序

一

而分隸焉於時田賦旣釐學校斯設民生富庶人文蔚興彬彬乎太平之盛事洵可邁前朝而光簡策者歟琬不敏以乾隆六年來治於茲旣愛其俗之遠於澆漓樂與斯人安於無事其吏民亦知予之拙也相與循其分勤其業熙熙皞皞共享

朝廷休養之澤於無窮致足樂耳夫幸

際休明安居樂土而於累朝建置之
踵事加詳及此邦風土之淳人物之
盛山川形勢利弊沿革之大端闕焉
而無紀載之書詎非邑人及官茲土
者所宜有事也乎爰諏紳士共事纂
修載於婁者毋復隸於金者毋遺凡
爲田賦學校節孝忠義建革風俗水
利等若干卷彙爲成書庶自今以始

咸有所考鏡焉所愧者承乏十年以
來未有一善可紀而邑中之務與浦
東橫浦二場之鹺政加以裁衛歸併
簿書較繁謏劣之才未得畢力於斯
役故文從其質事舉其凡期免於闕
略云爾若謂追史家之體例盡事類
之周詳能使金山一志炳耀千古則
惟諸紳士之克有成勞余固有志焉

而未逮也是爲序時

乾隆十有六年歲次辛未嘉平穀旦
賜進士第敕授文林郎江南松江府金
山縣知縣前知江南揚州府儀徵縣
河南南陽洧川兩縣事丙辰甲子鄉
試同考試官加二級紀錄三次長沙

常琬序



序

壬申春仲予署邑篆喜其事簡民淳風猶近古洎入夏清刑訟庭益寂邑人士因際公餘而以邑志之告成請予一言以為序夫予言亦何足為邑志重者攷金山故地自有周以至勝國或隸越或隸吳轉移無定迨我

王序

朝

建縣設官而金山始著分隸靡常則摭拾每嫌無確據建立伊始則文獻未足供搜羅故作志難而作金山之志為尤難今長沙常公肇謀斯舉而邑之聞人紳士靡不慷慨捐貲以資膏火俾諸同志悉意旁求舉夫沿革之源流閭閻之習尚以及人文政教食

朝

貨災祥一覽之餘瞭然在目於以
上之郡上之省上之
朝廷以備攷風者之徵實焉豈非
常公與諸君子之力也哉予不文
又何以序為雖然予於此抑竊有
幸焉從來謀定一書或經數十人
之手或歷數十年之久垂成而迄
歸於無成者莫為之後雖美弗傳

王序

二

此作者之所以恒多餘憾也是志
之藁雖成編於庚午而剞劂之事
則猶未竣蓋其間之帝虎魯魚所
在多有今
常公既以病休使不為之釐訂以
終其役則功之成與不成尚未可
定也且夫一邑之志上資史臣之
採擇下詳民俗之淳漓為典甚鉅

常公自辛酉蒞任以來越有年所
邑之利弊既明且悉而探委尋源
以昭奕世斯誠不朽之盛業也苟
以攷訂之未周字句之或誤而相
沿失緒後之人能無惜首事者之
善始鮮終而因咎繼起者之不克
為理耶予其何辭以謝茲邑人士
咸相與踴躍竟功而予以謏陋之

王序

三

材亦得於簿書之暇校訛正謬適
觀厥成是不可謂非予之幸也故
樂為數言以應邑人士之請

昔

乾隆十七年季夏山陰王宗閔撰



序

越數千百里而蒞一邑物產盈耗人文盛衰習尚淳漓概乎未悉其端倪自非考獻徵文博稽志乘錦或傷于學製窵莫中於操刀吏治何裨壬申秋余奉

命補授金山令邑舊隸婁縣分建自雍正四年

規畫創造紀載闕如前任長沙常公慨然厘慮延邑紳士類纂付梓檢校未竟以病匆匆告歸署任山陰王君覆閱稍整余踵厥成得所藉手竊計東南素稱澤國邑境更泖環三面水宜迅達顧邑人頗以淤墊爲憂潮汐往來入濁出清堙塞所在多有

不履其地亦遙意爲水鄉已耳烏知其亟
水利皇皇若是旋奉 憲檄浚治運石石
曰兩河因請併浚倉署附近周家汰趙家
蕩諸水以便灌溉倉署東北舊有倉橋今名
鳳翔通輸輓以木旋圮山陰王君議更以石
申 憲報可工鉅未就余乃捐俸倡率屬

邑衿顧子成式張子德潤金子德明鄭子
鈔玪董其事三閱月而後竣事在志成後
未入載而水利橋梁皆志中所諄切且其
間幹水宜浚凡幾支水宜疏凡幾孔道所
經橋梁宜建宜修凡幾一切民生利弊若
宜革若宜興予以滋物產昌人文導習尙

又凡幾雖余有志未逮一一皆守土責慮
始樂成余何敢懈會邑志校刊已定將印
行邑人士勤請余序因次志成原委而併
系以余所願効於茲土者卽志中一二以
發凡而起例邑人士幸亮余衷毋俾志成
而徒目眩乎故事心詫爲空言也是爲序

時

乾隆十有八年歲次癸酉小春望日

賜進士出身知金山縣事陳懷仁撰



金山縣志序

長沙常公乾隆辛酉來尹金山寬簡廉平一以德化既政修人和感邑乘之未立屢謀之都人士而不克就越戊辰冬力主成之迺集邑之紳士二十餘人議授簡於東林禪寺然各以事牽不獲常聚其常聚者率八九人而已侯敦趨愈亟至庚午之三月藁成遂約其始末而為之序夫邑之不可無志明矣而志之難成亦久矣即我郡顧文僖暨方公郭公

三志孰非經歷歲月閱數賢之手幾不成而始成者况各志大半皆因故籍今婁未有志郭志止康熙初年其野乘惟衛城朱里璜溪三四卷而又多冗詞碎事可採殊少則金山一志又其無所因者乎既開局與諸君子議是編也百年以上分別為艱百年以來搜羅不易昔之人有移舟不憚千里挑燈每及五更累奕世之殷勤瘁一生之精力始克成書者今其可待乎穀城方公有言傳信以簡核

為工崇雅惟浮誇是黜吾曹稟是為程無矜
博學無侈鴻文祇標梗槩觀者瞭然庶其少
過矣諸君子皆曰然因相與分門析類各展
其力搜集見聞綜輯細大王子麗天夏子益
萬任藝文遺事水利曹子鑑咸沈子維鏞楊
子開基任疆域倉穀人物科目名宦封蔭祥
異兵燹李子興宗任鹽政物產徐子學烜任
山水城池嚴子丙徵任圖經職官秩祀海塘
古蹟寺觀胡子德星任公署風俗墳墓頤子

成式任坊表橋梁施子士愷任田賦余弟以
恕兒紹祖任建置星野學校兵防第宅無何
王子及紹祖以教習以恕以京兆試先後入
都李子徐子各以病還其家獨夏曹沈楊嚴
及余在局然局在寺中遊人如縷廼遷余邨
地稍偏矣諸君子遂得焚膏繼晷并力一向
檢括整齊不匝月而功竣事要於信理歸於
切不為繁為簡不為華為質總群材於一轍
融同事於太和亦曰姑草創焉云爾若夫討

論修飾蓋猶有待後之人得是藁而存之加以歲月掇諸精要補厥佚遺庶可備金山之一志矣乎嘗

乾隆庚午清和月邑人焦以敬序



重印金山縣舊志序

上海焦君忠祖於十六年春來長我縣時滬松間亂事方殷莠民蠢蠢思動自君至戢暴安良不遺餘力不數月邑以大和遂及文事先是邑中有修志之舉謬推及余余既草定志例而未有成書君一再敦促期成有日矣更念縣之舊志爲邑先哲焦太史以敬所纂輯今版已久湮書存亦罕君太史裔也爰慨然謀爲重梓既得一完好舊本於邑中丁氏因假以影印而屬序於余余適遭喪稽未克報而君移篆阜甯及印將蕝事乃序以復於君曰焦氏舊志論者頗病其苟簡方見黃志勒余以爲無可病也我金山之分縣

金山縣志

序

一

也始於有清雍正三年逮乾隆十二年縣令長沙常公琬卽議創立志乘閱三年而稿就時去置縣之始僅二十餘年耳而文物具備紀載井然無藉無因頓成鉅製其搜羅則博而能要敘次則核而不浮安在其爲苟簡也哉至道光間邑人姚訥錢熙泰先後皆有私家志稿而未有鋟版若焦氏舊志則既鋟矣而版亦無存其鋟版與書之並存者則爲光緒四年黃先生厚本重修之志按其凡例謂姚氏稿分類一仍焦氏之舊錢氏稿則爲表四爲志八爲傳十二今悉倣其例是則姚錢二氏之稿黃先生皆得見之且姚氏志稿實爲焦氏之續而黃氏之志實重修錢氏書

也今黃志在而錢氏原稿不可見此志幸有孤本重
印而姚氏續稿亦不能覓甚矣著書之不可以無刊
也余是以序其端而尤覺焦君此舉爲不容緩已倘
君能繼此而更爲訪求姚錢二志而表彰之余雖不
敏亦當樂而隨其後焉

民國十八年四月邑後學高燮序

纂志姓氏

總裁

賜進士出身知金山縣事常 琬

纂輯

翰林院庶吉士授屯留知縣焦以敬

賜進士咸安宮教習王麗天

舉人夏益萬

歲貢生李興宗

歲貢生曹鑑咸

歲貢生焦以恕

副榜貢生內廷萬善殿教習焦紹祖

金山縣志

姓氏

一

廩膳生員沈維鏞

廩膳生員胡德星

增廣生員楊開基

附學生員徐學烜

國子監生施士愷

國子監生顧成式

廩膳生員嚴丙徵

覆閱

刑部員外郎姚培益

選拔貢生周宗濂

舉人沈于鵬